

民國二十年出版

正續
酉陽雜俎

掃葉山房發行

序

夫易象一車之言近於怪也詩人南箕之奧近乎戲也固服縫掖者肆筆之餘及怪及戲無侵於儒無若詩書之味大羹史爲折俎子爲醢醢也炙鷄羞醢豈容下箸乎固役而不恥者抑志怪小說之書也成式學落詞畧未嘗厚思無崔駟真龍之歎有孔璋畫虎之譏飽食之暇偶錄說憶號酉陽雜俎凡三十篇爲二十卷無不以此閒錄味也

酉陽雜俎正續集目錄

正集

忠志	一
禮異	五
天咫	九
玉格	一一
壹史	二四
貝編	三一
境異	四二
喜兆	四八
禍兆	四九

詭習	五〇
怪術	五二
藝絕	六〇
器奇	六一
樂	六三
酒食	六五
醫	七〇
鯨	七一
雷	七七
夢	七九
事感	八二
盜俠	八四

物異	八九
廣知	一〇一
語資	一〇八
冥跡	一一六
尸笮	一一九
諾臯記上	一二四
諾臯記下	一三八
廣動植之一	一四九
羽篇	一五二
毛篇	一五七
廣動植之二	一六三
鱗介篇	一六三

蟲篇·····	一六七
廣動植之三·····	一七二
木篇·····	一七二
廣動植之四·····	一八三
草篇·····	一八三
肉攬部·····	一九四

續集

支諾臯上·····	二〇〇
支諾臯中·····	二一〇
支諾臯下·····	二二二
貶誤·····	二三六

寺塔記上	二五二
寺塔記下	二六三
金剛經鳩異	二七二
支動	二八三
支植上	二九一
支植下	二九二

酉陽雜俎正續集

唐 臨淄段成式柯古撰

忠志

高祖少神勇。隋末。嘗以十二人破草賊。號無端兒。數萬。又龍門戰。盡一房箭。中八十人。太宗虬鬚。嘗戲張弓挂矢。好用四羽大箭。長常箭一膚。射洞門闔。上嘗觀漁於西宮。見魚躍焉。問其故。漁者曰。此當乳也。於是中綱而止。

骨利幹國獻馬百疋。十疋尤駿。上爲製名。決波喻者。近後足有距。走歷門三限不躓。上尤惜之。一曰文皇御製十駿名

隋內庫有交臂玉猿。二臂相貫如連環。將表其轡。上後嘗騎與侍臣遊。惡其飾。以鞭擊碎之。貞觀中。忽有白鵲構巢於寢殿前槐樹上。其巢合歡如腰鼓。左右拜舞稱賀。上曰。我嘗笑隋楊帝好祥瑞。瑞在得賢。此何足賀。乃命毀其巢。鵲放於野外。

高宗初扶牀。將戲弄筆。左右試置紙於前。乃亂畫滿紙。角邊畫處成草書勅字。太宗遽令焚之。不許傳外。

則天初誕之夕。雌雉皆雌。右手中指有黑毫。左旋如黑子。引之尺餘。

駱賓王爲徐敬業作檄。極疏大周過惡。則天覽及蛾眉不肯讓人。狐媚偏能惑主。微笑而已。至一抔之土未乾。六尺之孤安在。不悅。曰。宰相何得失如此人。

中宗景龍中。召學士賜獵。作吐陪行。前方後圓也。有二大雕。上仰望之。有放挫啼曰。臣能取之。乃懸死鼠於鳶足。聯其目。放而釣焉。二雕果擊於鳶盤。狡兔起前。上舉搗擊斃之。帝稱那庚。從臣皆呼萬歲。

三月三日。賜侍臣細柳圈。言帶之免蝱毒。

寒食日。賜侍臣帖綵毬草宣臺。

立春日。賜侍臣綵花樹。

臘日。賜北門學士口脂蠟脂。盛以碧鏤牙箱。

上嘗夢曰一作白鳥飛。蝙蝠數十逐而墮地。驚覺。召萬回僧。曰：大家卽是上天。時翌日而崩。

睿宗嘗閱內庫。見一鞭金色。長四尺。數節蟲有齧處。狀如盤龍。靶上懸牙牌。題象耳皮。或言隋宮庫舊物也。上爲冀王時。寢齋壁上。蝸跡成天字。上懼。遽掃之。經數日如初。及卽位。雕玉鑄黃金爲蝸形。分置於釋道像前。

玄宗禁中嘗稱阿瞞。亦稱鴉。壽安公主。曹野那姬所生也。以其九月而誕。遂不出降。常令衣道服。主香火。小字蟲娘。上呼爲師娘。爲太上皇時。代宗起居。上曰：汝在東宮。甚有令名。因指壽安蟲娘爲鴉女。汝後與一名號。及代宗在靈武。遂令蘇澄尙之。封壽安焉。

天寶末。交趾貢龍腦。如蟬蠶形。波斯言老龍腦。樹節方有。禁中呼爲瑞龍腦。上唯賜貴妃十枚。香氣徹十餘步。上夏日嘗與親王。令賀懷智獨彈琵琶。貴妃立於局前觀之。上數子將輸。貴妃放康國獅子於坐側。獅子乃上局。局子亂。上大悅。時風吹貴妃領巾於賀懷智巾上。良久回身方落。賀懷智歸。覺滿身香氣非常。乃卸幞頭貯於錦囊中。及二皇復宮闕。追思貴妃不已。懷智乃非所貯幞頭。具奏。它日事。上皇發囊泣曰：此瑞龍腦香也。

安祿山恩寵莫比。錫賚無數。其所賜品目。有桑落酒。鬪尾羊窟利。馬酪。音聲人兩部。野豬鮓。鯽魚并鱸手刀子。清酒。大錦。蘇造真符寶蓋。餘甘煎。遼澤野雞。五朮。湯金石凌湯一劑。及藥童昔賢子就宅煎。蒸梨。金平脫犀頭匙箸。金銀平脫隔餽饌盤。金花獅子瓶。平脫著足壘子。熟線綾接勒。金大腦盤。銀平脫破觚。八角花鳥屏風。銀鑿鏤鐵鎖。帖白一曰檀香牀。綠白平細背席。繡鵝毛氈兼令瑤令光就宅張設。金鸞紫羅緋羅立馬寶。鷄袍。龍鬚夾帖。八斗金渡銀酒壺。銀瓶平脫掏魁織錦篋。銀瓠籬。銀平脫食臺盤。油畫食藏。又貴妃賜祿山金平脫裝具玉合。金平脫鐵面梳。肅宗將至靈武一驛。黃昏。有婦人長大。攜雙鯉。咤於營門曰。皇帝何在。衆謂風狂。遽白上。潛視舉止。婦人言已止。大樹下。軍人有逼視。見其臂上有鱗。俄天黑。失所在。及上卽位。歸京闕。饒州刺史王奇光奏女媧墳云。天寶十三載。大雨晦冥忽沉。今月一日夜。河上有人覺風雷聲。曉見其墳湧出。上生雙柳樹。高丈餘。下有巨石。兼畫闔進上初克復。使祝史就其所祭之。至是而見。乘疑向婦人其神也。

代宗卽位日。慶雲見。黃氣抱日。初楚州獻定國寶一十二。乃詔上監國。詔曰。上天降寶。獻自楚州。神明生歷數之符。合璧定妖災之氣。初楚州有尼真如。忽有人接去天上。天帝言下方有災。令此寶鎮之。其數十二。楚州刺史崔恂表獻焉。一曰玄黃。形如笏。長八寸。有孔。辟人間兵疫。二曰玉鷄毛。白玉也。王者以孝理天下則見。三曰穀璧。白玉也。如粟粒。無雕鑄之跡。王者得之。五穀豐熟。四曰西王母白環二枚。所在處外國歸服。五曰名闕六曰如意寶珠。大如雞卵。七曰紅鞋鞵。大如巨粟。八曰琅玕珠二枚。逾常珠有逾。徑一寸三分。九曰玉玦。形如玉環。四分缺一。十曰玉印。大如半手。連如鹿形。陷入印中。十一曰皇后採桑鈎。細如箸。屈其末。十二曰雷公石。斧形無孔。諸寶實之日中。皆白氣理天。

禮異

西漢帝見丞相。謁者贊曰。皇帝爲丞相起。御史大夫見皇帝。稱謹謝。漢木主。覆以枯木皮。置牖中。張綿絮以障外。不出時玄堂之上。以籠爲俑人無頭。坐起如

凡節。守國用玉節。守都鄙用角節。使山邦用虎節。土邦用人節。澤邦用龍節。門關用符節。貨賄用璽節。道路用旌節。古者安不用璧。興事用圭。成功用璋。邊戎用珩。戰鬪用璩。城圍用環。災亂用焦。大旱用龍。龍節也。大喪用琮。

北齊迎南使。太學博士監舍迎使。傳詔二人。騎馬荷信在前。羊車二人。捉刀在傳詔後。監舍一人。典客令一人。蒞進賢冠。生朱衣騎馬。罩繖十餘。絳衫一人。引從使車前。又絳衫騎馬。平巾幘。六人。使主副各乘車。但馬在車後。鐵甲者百餘人。儀仗百餘人。剪綵如衣帶。白羽間爲稍。髮髮絳袍。帽凡五色。袍隨髻色。以木爲稍。刃戟。畫絳爲蝦蟇幡。

梁正旦使。北使乘車至闕下。入端門。其門上層題曰朱明觀。次曰應門。門下有一大畫鼓。次曰大陽門。左有高樓。懸一大鐘。門右有朝堂。門闕左右亦有二大畫鼓。北使入門。擊鐘磬。至馬道北。懸鐘內道西北立。引其宣城王等數人。後入擊磬道。東北面立。其鐘懸外東西廂。皆有陞臣。馬道南近道東。有菇崑崙客。道西近道。有高句麗百濟客。及其升殿之官三千許人。位定。梁主從東堂中出。云齋在外宿。故不由上閣來。擊鐘鼓。乘輿警蹕。侍從升東階。南面幄內坐。幄是綠。

油天皂。裙甚高。用繩係著四柱。憑黑漆曲几坐定。梁諸臣從西門入。著具服博山遠遊冠纓。未以翠羽真珠爲飾。雙雙佩帶劍黑鳥。初入。二人在前導引。次二人並行。次一人槩牙箱班劍箱。別二十人具省服。從者百餘人。至宣城王前數步。北面有重席。爲位再拜。便次出引王公登獻玉。梁主不爲興。魏使李同軌操陸聘梁。入樂遊苑西門內青油幕下。梁主備三仗。乘輿從南門入。操等東面再拜。梁主北入林光殿。未幾引臺使入。梁主坐皂帳南面。諸賓及羣官俱坐定。遣書舍人殷靈宣旨慰勞。具有辭答。其中庭設鐘懸及百戲。殿上流杯池中行酒具。進梁主者題曰御杯。自餘各題官姓之杯。至前者卽飲。又圖象舊事。令隨流而轉。始至訖於坐罷。首尾不絕也。

梁主常遣傳詔童。賜羣臣歲旦酒辟惡散卻鬼丸三種。

北朝婚禮。青布幔爲屋。在門內外。謂之青廬。於此交拜。迎婦。夫家領百餘人。或十數人。隨其奢儉。挾車俱呼新婦子催出來。至新婦登車乃止。婿拜閣日。婦家親賓婦女畢集。各以杖打聲爲戲樂。至有大委頓者。奔說文云
即婿字

律有甲娶乙丙其戲。甲旁有櫃。此之爲獄。舉置櫃中復之。甲因氣絕。論當鬼薪。

近代婚禮。當迎婦。以粟三升填曰。席一枚以覆井。泉三斤以塞牕。箭三隻置戶上。婦上車。牽騎而環車三匝。女嫁之明日。其家作黍醢。女將上車。以蔽膝覆面。婦入門。舅姑以下悉從便門出。更從門入。言當躡新婦迹。又婦入門。先拜豬穢及竈。娶婦。夫婦併拜。或共結鏡紐。又娶婦之家。弄新婦。臘月娶婦不見姑。

婚禮納采。有合驩嘉禾。阿膠。九子蒲。朱葦。雙石。綿絮。長命縷。乾漆九事。皆有詞。膠漆取其固。綿絮取其調柔。蒲葦爲心可屈可伸也。嘉禾分福也。雙石義在兩固也。

北朝婦人。常以冬至日進履襪及鞞。正月進箕帶長生花。立春進春書。以青緋爲鞞。刻龍像御之。或爲蝦蟇。五月進五時圖。五時花。施帳之上。是日又進長命縷宛轉繩。皆結爲人像帶之。夏至日進扇及粉脂囊。皆有辭。

秦漢以來。於天子言陛下。於皇太子言殿下。將官廳下。使者言節下。轂下。二千石長史言閣下。父母言膝下。通類相言於足下。

天咫

舊言月中有桂有蟾蜍。故異書言月桂高五百丈。下有一人常斫之。樹創隨合。人姓吳名剛。西河人。學仙有過。謫令伐樹。釋氏書言。須彌山南面有閻扶樹。月過樹影入月中。或言月中蟾桂地影也。空處水影也。此語差近。

僧一行博覽無不知。尤善於數。鉤深藏往。當時學者莫能測。幼時家貧。隣有王姥。前後濟之數十萬。及一行開元中承上敬遇。言無不可。常思報之。尋王姥兒犯殺人罪。獄未具。姥訪一行求救。一行曰。姥要金帛。當十倍酬也。明君執法。難以請情。曰。求如何。王姥戟手大罵曰。何用識此僧。一行從而謝之。終不顧。一行心計。渾天寺中工役數百。乃命空其室內。徙大瓮於中。又密選常住奴二人。授以布囊。謂曰。某坊某角有廢園。汝向中潛伺。從午至昏。當有物入來。其數七。可盡掩之。失一則杖汝。奴如言而往。至酉後。果有羣豕至。奴悉獲而歸。一行大喜。令寘瓮中。覆以木蓋。封於六一泥。朱題梵字數寸。其徒莫測。詰朝中使叩門急。召至便殿。玄宗迎問曰。太史奏

昨夜北斗不見。是何祥也。師有以禳之乎。一行曰。後魏時失熒惑。至今帝車不見。古所無者。天將大警於陛下也。夫匹婦匹夫不得其所。則隕霜赤旱。盛德新感。乃能退舍。感之切者。其在葬枯出係乎。釋門以瞋心壞一切善。慈心降一切魔。如臣曲見。莫若大赦天下。玄宗從之。又其夕太史奏北斗一星見。凡七日而復。成式以此事頗怪。然大傳衆口。不得不著之。

永真年。東市百姓王布知書。千藏鏹萬。商旅多賓之。有女年十四五。艷麗聰晤。鼻兩孔各垂息肉。如皂莢子。其根如麻線。長寸許。觸之痛入心髓。其父破錢數百萬。治之不差。忽一日有梵僧乞食。因問布。知君女有異疾。可一見。吾能止之。布被問大喜。卽見其女。僧乃取藥。色正白。吹其鼻中。少頃摘去之。出少黃水。都無所苦。布賞之白金。梵僧曰。吾修道之人。不受厚施。唯乞此息肉。遂珍重而去。行疾如飛。布亦意其賢聖也。計僧去五六坊。復有一少年。美如冠玉。騎白馬。遂扣門曰。適有胡僧到無。布遽延入。具述胡僧事。其人吁嗟不悅。曰。馬小。踠足。竟後此僧。布驚異。詰其故。曰。上帝失樂神二人。近知藏於君女鼻中。我天人也。奉帝命來取。不意此僧先取之。吾當獲譴矣。布方作禮。舉首而失。長慶中。有人翫八月十五夜月。光燭于林中。如疋布。其人尋視。